

Makkənə nga ləkələkətə nga Yoohana

¹⁻² Wiinə ləkələkətə ca dzə daciiki masara nga Ikəliisiya ka hə guvaki Gayusə. Kadashinaaki nə hə dərəva. Agi d'anə nə nyi də'wa kaa ha ndzaanə agi jamənə, shishinəku a ndzaanə jamə əsə makə sətə dīi ədzəməku jamə akəŋwacii Əntaŋfə. ³ Kə shi hara ənji nə'unə aa hanə, təya ba ka nyi makə sətə cii kwa nə'u gooŋgaanə də patənə nga ədzəməku. Makə fii nyi ha'ə, kə dīi nyi moodasəkə ka shaŋə də ndzaanaaku agi gooŋgaanə nga Əntaŋfə taa guci patə. ⁴ Pooshi uushi palee də dfa ka nyi moodasəkə makə fanə oo'i, agi nə'u gooŋgaanə nga Əntaŋfə nə manjeevənaaki.

Kuyiriinə nga Yoohana tə Gayusə

⁵ Kadashinaakya, kə nee nyi, əndə gooŋga nə hə agi patənə nga slənaaku ka ənji nə'unə, taa ŋgahi mu'uminə nə hara ənji agitii. ⁶ Ma ənjitə cakə hə tə tii, makə shi tii aa hanə, kə wabi tii akəŋwacii Ikəliisiya agyanə uudənaaku. Tuutəta'ə, tsakuu tə tii makə sətə kadeesəkə ka Əntaŋfə, kaa təya dzə aakəŋwə agi wiigi'inatii. ⁷ Acii, ma ma'i ənjitsə ka wiigi'inə, kaa təya slənə ka Yeesu Aləmasiihu. Maluuvəmə tii luu uushi acii ənjitə əntaa ənji nə'unə. ⁸ Acii ha'ə, ma amə ənji nə'unə, ŋga'ə maa cakaamə tə tsarə

nga ənjitse də uushi'inə, kaama ndzaa ka guvii-slənatiī agi waaza goonḡaanə nga Əntanḡfə.

Diyatərifisə da Dimitəriya

⁹ Kə nyaahə nyi magusə ləkaləkətə ka Ikəliisiya. Amma, ma Diyatərifisə, maluuwəmə ci kaa ca fa wabənaaki, acii kə mwayi ci gawuunə. ¹⁰ Acii ha'ə, maḡa kə gi nyi aa hoonə, ka pukəginə nə nyi ba'akii, nya baabagi bwaya uushi'iitə cii kəya jaarakə aashiinə. Əntaa wata ətsə cii kəya ḡaada. Ha'ə maa, agi kaareenə nə ci ka luu mu'umuunə nga mu'uminə ənji nə'unə, ca tənagi tə ənjitə ca moo luu mu'umuunatiī, ca lakəgi tə tii asəkə Ikəliisiya əsə.

¹¹ Kadashinaakya, ga ha nə'u rəgwa nga slənə bwaya bwayaanə, amma nə'u rəgwa nga slənə nga'aanə. Ma əndətə ca slənə nga'aanə, uuzənə nga Əntanḡfə nə ci. Amma, ma əndətə ca slənə bwaya bwayaanə, mashiimə ci tə Əntanḡfə.

¹² Ma Dimitəriya, ənji patə ca dəla də ci oo'i, agi slənətənə nə ci nga'ə. Nga'aanə nga slənaakii ca baarii oo'i, agi nə'utənə nə ci goonḡaanə nga Əntanḡfə agi taa mi patə cii kəya ḡa. Inə maa, kə bii inə koonə oo'i, nga'ə nə slənaakii. Kə shii unə boo, goonḡa nə wabənə geenə.

Muudinə nga wabənə

¹³ Tə'i uushi'inə lanḡ cii kya moo banə ka hə, amma paa nyi ka moonə nya naahə ka hə də naahə naahə. ¹⁴ Acii kə kii nyi nə nga dzənə aabiiku kədəhə, anḡwa wabə ma da ma.

¹⁵ Wa Ɛntaɲfə a vii ka hə ndzaanə jamə.
Kə nəhəpaa guviinaaɲwə tə hə. Nəhəpaa tə
guviinaaɲwə patə ka ləmə ka ləmə.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1